

Surat khabar: Utusan Sarawak (Tempatan)

Hari/Tarikh: 20/7/2016

Muka surat: 4

Tajuk : Ngabang Raya UNIMAS disambut meriah

Ngabang Raya UNIMAS disambut meriah

KOTA SAMARAHAN: Dianggarkan 3,000 tetamu memeriahkan Majlis Ngabang Raya UNIMAS 2016 bertempat di ruang legar Arena Gemilang DeTAR PUTRA, UNIMAS di sini, semalam.

Hadir sebagai tetamu kehormat Yang di-Pertua Negeri Sarawak merangkap Canselor UNIMAS, Tun Pehin Sri Abdul Taib Mahmud dan serta isteri, Toh Puan Datuk Patinggi Raghad Kurdi Taib.

Majlis tahun ini yang bermakna 'Lan Berjrah' berkonsepkan kediaman dan sajian daripada bahagian-bahagian dan daerah-daerah di Sarawak seperti Kapit, Miri, Bintulu, Sibu, Limbang, Mukah, Sri Aman, Samarahan, Kuching, Sarakei, Betong dan Serian.

Sebanyak lima belas kediaman telah dibuka dan dihias oleh Pusat Tanggungjawab (PT) dan Fakulti-fakulti UNIMAS.

Setiap kediaman akan menyajikan sajian makanan terkenal yang dhidangkan pada

musim perayaan Hari Gawai Dayak dan Hari Raya Aidilfitri di setiap bahagian di negeri ini antaranya umai, kuih cincin dan lain-lain.

Majlis turut dimeriahkan dengan pelbagai acara seperti pertandingan karaoke dan pertandingan kediaman tercantik dan bersih.

Turut hadir Pro Canselor UNIMAS, Datuk Patinggi Tan Sri (Dr) Alfred Jabu anak Numpang serta isteri, Pengurus Lembaga Pengarah UNIMAS, Datu Dr Hatta Solhi serta isteri, Naib Canselor UNIMAS, Professor Dato' Dr Mohamad Kadim Suaidi serta isteri.

Majlis Ngabang Raya UNIMAS diadakan bertujuan untuk meraikan sambutan Hari Gawai Dayak dan Hari Raya Aidilfitri serentak bagi universiti ini selain bertujuan mengeratkan hubungan silaturahim, mengukuhkan ukhuwah dan menyemai nilai-nilai kekeluargaan dan persahabatan di kalangan warga UNIMAS.



KENANGAN ... Tun Pehin Sri Abdul Taib Mahmud serta isteri, Toh Puan Raghad bergambar kenang-kenangan bersama tetamu yang hadir sempena Majlis Ngabang Raya UNIMAS 2016 bertempat di ruang legar Arena Gemilang DeTAR PUTRA, UNIMAS di Kota Samarahan, semalam.